

Pisariaqartitsineq aallaavigalugu nunalerinermik ilinniarfimmik pilersitsisoqarnissaanut Naalakkersuisut nalunaarusioqquneqarnissaanik Inatsisartut aalajangiiffigisassaattut siunnersuut. Nalunaarusiaq Narsami Nunalerinermik ilinniarfimmik pilersitsinissamik qulaajaanerussaaq, pingaarnertut imminut pilersorsinnaaneq, nunalerineq aamma nerisassanik tunissassiornermik siunertaqartumik. Nalunaarusiaq Inatsisartut 2023-mi ukiaanerani ataatsimiinneranni agguaanneqassaaq.

(Inatsisartunut ilaasortaq Mariane Paviasen, Inuit Ataqtigiit)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaaneerpeqarnera

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq Inatsisartut aalajangiiffigisassaattut siunnersuummut saqqummiunneqartumut tunngatillugu isumaliutissiissummik tunniussaqaarsimavoq. Ataatsimiititaliap peqqissaarussilluni suliaqaarsimanera isumaliutissiissuteqaarsimaneralu Naalakkersuisut qujassutigaat.

Naalakkersuisut iluarisimaarpaat Ataatsimiititaliap isumaqatigiittup allannguutissatut siunnersuutaat Naalakkersuisunit saqqummiunneqartumut akuerisassanngorlugu innersuussutigimmassuk.

Naalakkersuisut taamatut naatsumik oqaaseqarlutik allannguutissatut siunnersuutip akuerineqarnissaa inassutigaat.